



Fondacija tuzlanske zajednice

Vitalni znaci 2019

Konsultacije sa građanima

Razgovor sa članovima mjesnih zajednica na području Grada Živinice



Pozadina

Fondacija tuzlanske zajednice je u okviru istraživanja o kvaliteti življenja na području TK "Vitalni znaci 2019" održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani ocjenili svaku oblast istraživanja o kvaliteti življenja, te kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu juli - avgust, održane u saradnji sa članicama Mreže aktivnih zajednica i predstavnicima mjesnih zajednica pri čemu su dvije fokus grupe održane ciljano sa ranjivim kategorijama u društvu, sa ženama i mladima.

Forma diskusije

Diskusije sa građanima fascilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su:

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Kao dodatak diskusiji građani su pozvani da na post itima napišu kako oni lično mogu i žele doprinijeti izgradnji bolje zajednice.

Ocijeni vitalnost svoje zajednice!

Diskusije sa građanima fascilitirane su od strane FTZ tima koji je vodio učesnike kroz 10 oblasti istraživanja. Građanima su ukratko objašnjene oblasti istraživanja o kvaliteti življenja, te za svaku oblast su im predstavljeni dijelovi preliminarnih rezultata koje smo dobili statističkom analizom i koji se odnose na područje Tuzlanskog kantona. Kratkim opisom konteksta za svaku pojedinačnu oblast će pomoći u razmišljanju i davanju ocjene stanja za svaku navedenu oblast.

Upitnik je tražio od građana da uzmu u razmatranje i dobre i loše pokazatelje unutar svake oblasti i da daju generalnu ocjenu stanja u svojoj zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima.

Učesnicima diskusije podijeljene su kartice sa označenim vrijednostima iz upitnika, a nakon što je prezentovana svaka pojedinačna oblast, dizanjem iste učesnici su ocjenjivali vitalnost svoje zajednice.

Tokom diskusije o oblastima istraživanja učesnici su imali priliku dati generalnu ocjenu stanja u svojoj zajednici.

Naime, u okviru istraživanja tokom jula 2019. godine, građani TK su imali priliku dati svoju subjektivnu ocjenu stanja u zajednici putem upitnika koji je bio istaknut na internet portalima u gradovima na području TK.



Datum: 12. juli 2019.

Oblasti za diskusiju: Rad, zapošljavanje, ekonomija i poduzetništvo, te Jaz između bogatih i siromašnih

U saradnji sa: Mreža aktivnih zajednica i Grada Živinice

Lokacija: Grad Živinice (sala Grada Živinice)

Broj učesnika: 12

Sažetak diskusije:

Zbog značaja ovih tema i interesa koji za njih vlada u zajednici, diskusija je urađena sa zajednicama Grada Živinice koje su članice Mreže aktivnih zajednica, kao i sa zajednicama koje nisu u Mreži aktivnih zajednica, što je omogućilo raznolikost prisustva predstavnika iz 11 različitih mjesnih zajednica.

S obzirom da su učesnici predstavljali različite tipove lokalnih zajednica koje se suočavaju sa različitim potrebama i izazovima u izgradnji bolje zajednice, tokom diskusije istaknute su određene razlike u trenutnom stanju i težištima za napredak. Nakon što je predstavnicima mjesnih zajednica predstavljena svaka od oblasti istraživanja, ocijenili su svaku oblast po subjektivnom nahođenju, te se detaljnije raspravljalo o dvije oblasti istraživanja od koje zahtijevaju društvenu reakciju.

Većina učesnika se složilo da je stanje u oblasti “Rad, zapošljavanje, ekonomija i poduzetništvo” zadovoljavajuće, te da je potrebno uložiti napor da se situacija održi ili poboljša. Dok dva učesnika smatraju da je stanje u ovoj oblasti zabrinjavajuće i zahtjeva ozbiljnu društvenu reakciju.

Predstavnici mjesnih zajednica su se izjasnili da je “zdrava”, “vitalna” zajednica u okviru oblasti “Rad i zapošljavanje, ekonomija i poduzetništvo” mjesto koje ima usklađenu potrebu tržišta rada sa resursima, te da Biro za zapošljavanje zapošljava ljude na osnovu potreba tržišta rada. Mjesto bez utjecaja politike, transparentno, odgovorno i na bazi zakona i standard, te da ljudi imaju povjerenje u institucije.

Ono što je dobro u zajednici u oblasti “Rad, zapošljavanje, ekonomija i poduzetništvo” da je vrijeme otvaranja biznisa što se tiče administrativnih procedura zadovoljavajuća (u roku od 24 – 48 sati), dobra perspektiva razvoja grada i veza sa ostalim gradovima, sinergija, odnosno snažna veza sa dijasporom, autoput Živinice i biciklističke staze.

Ono što treba poboljšati u zajednicama na području Grada Živinice je smanjiti koruptivne radnje, povećati učešće dijaspore u razvoj zajednice, te uključiti policijske uprave u pravilnost konkursne procedure.

Za oblast “Jaz između bogatih i siromašnih” većina učesnika nije pokazala zainteresovanost za dalju diskusiju, tako da nisu dali svoje mišljenje, niti se detaljnije o njoj razgovaralo.



Rad, zapošljavanje, ekonomija i poduzetništvo

Građani su rekli

Kako izgleda „zdrava“, „vitalna“ zajednica?

- usklađena potrebu tržišta rada sa resursima,
- da Biro za zapošljavanje zapošljava ljude na osnovu potreba tržišta
- bez utjecaja politike,
- transparentno odgovorna i na bazi zakona i standarda
- povjerenje u institucije

Šta ja mogu uraditi da dopinesem izgradnji zdravije i bolje zajednice?